

# Bájkkeavijssa NuorttaSálto

## Julevsáme kultuvrra- máhtudagán áhpádum

Divtasvuona suohkan le mañemus lahkke jagev fállam suohkana barggijda áhpádušáv tjuovvot sáme kulturmáhtudagán, mij julevsáme guovlov tjalmostahtá.

Suohkan oassálastij sáme giella- háldadimguovlluj jagen 2006. Dán áhpádušá baktu suohkana bargge, ienemus oasse skávllásuorges, nanos áhpádušáv ja máhtudagáv julevsáme kultuvra birra oadtjum. Suohkan le 300 000 krávnájt fáldaldahkaj adnám. Rudá li oasse stáhtalasj rudájs ma juolloduvvi gå suohkan le oasse sáme háldadimguovlos.

Áhpádušfáldaldahka le ásaduvvam Regionalt kompetansekontor for Ofoten (RKK Ofoten) baktu, ja le sierraláhkáj áhpádiddijda ja iehtjádijda áhpádušsuorgen Divtasvuona suohkanin. Valla li læhkám studenta sihke fylkka-suohkanis ja ráddnásuohkanis Hábmerris.

Guovtes dájs libá ávdep suohkanoajvve Hábmerra suohkanin ja udnásj STH ráde prosjæktajadediddje Jan Folke Sandnes ja ávdđáskávllááhpádiddje Sismera mánárgården, Helga Eliassen. Goappátja libá Sagvassdalen bajássjaddam, mij ájgij tjadá le sáme kultuvrraj tjanádum.

- *Manen oassálasstebihitte dán áhpádušsaj ja majt dássta oadtjobihitte?*

- Munji lij riek buorre máhttelisvuohta dahkat juojddá mij lij miellagiddis. Le aj nav lahka, besav permisjavnáv bargos áhtsát ja guhkás mannat tjáhkanimijda ja sæmmi báttá oattjov ienep oahppotjuokka. Muv mielas le geldulasj bájkálasj histávrajn ja itttjiv máhte dáv máhttelisvuodav masset, javllá Helga Eli-

assen.

Áhpádušá ájggomus le álggon árrót joarkke áhpádušájda sáme gatjálvisáj duon dán humanistalasj ja sebrudakdiedalasj fágajn, ja le tiemáhtalattjat gálmma ásiida juogedum. Vuostasj tjáhkanimen lij sosiálalasj organiserim, ekonomija ja árronguovlo. Nuppát oasse riektágássjelisvuodajt ja iemeálmukássijjt ávdedij. Mañemus tjáhkanimen lij tiebmá etnisitehta, identitehta ja ássko.

- Oadtjop ham gábdep állesvuodadádjadusáv ja vuojnnepp gáktu vidjura lij tjanádum nubbe nubbáj. Ienep dádjadusáv bájkálasj birrusis. Jáhkáv ávkken le munji,

javllá Eliassen.

Jan Folke Sandnes barggá divna gálmma Nuortta-Sálto suohkanij ávdás suv bargo tjadá STH ráden.

- Muv mielas le ájnas vuojnno bargo gáktuj. Smávbasebrudakvuorodime tjadá li suohkana áđá sjehtadusájt fylkka-suohkanijn tjállám. Duodden berustav kultuvrrahistávras ja Sagvassdalle le histávralattjat læhkám oassen nanos sáme kultuvras. Guhkev lev mielos læhkám gávnatjit bájkkenamájt, daj namáj sisanov ja dajda tjieggnotit. Namájn li sáme mátto, valla li dárojuhtedum, javllá Sandnes.

Ja juska le bajássjaddam sihke kultuvrajn ja histávrajn mij le sámevuohtaj tjanádum, de le gæhttjalam tjieggidusáv gávnat moatte ássáj.

- Vuojnnepp dilijt vijddásap vuojnon dákkir áhpádušá tjadá. Vuostasj tjáhkanimen ájadalliv dát lij gájkguoskavasj sebrudakmáhtudahka mij galgaj vuodon juohka suohkana virgálattnan, miejnni sán.

- Luluj buorep jus gássjelisvuodajt riektáj birra mañjela kursan lidjin buktet, gå ienep duogásjdedov lip oadtjum.

RKK Ofoten le áhpádušá teknihkalasj tjádádimev dájmam. Idar Sorensen le dudálasj tjádádimejn.

- Álov barggap ienep fáldaldagájt dájmáttit guovlon, vaj ulmutta máhtti áhpádušáv bájkálattnan joarkket. Dajna barggap aktan allaskávláj javllá sán.

Áhpádušá mañjela dássju gallegattja eksámav ájggu váldet. Árabut dá tjávtja subtsastij vuostasjamanuensa Bjørn Bjerkli sávvin gálmálages eksámav tjáledin. Valla sjáddin dássju 12.

- Ájnnasamos le gå oassálasste ienep die-dov li oadtjum, ja ajtu kursaduodastusáv oadtju, javllá Sorensen.



Tæksta: Kitty Skapalen  
Járggálibme: Idar Kintel/Divte Media AS

**Dudálasj studentaguovtes.** Jan Folke Sandnes ja Helga Eliassen dánna áhpádušmanon Måskan lijga dudálattna áhpádušájn. – Oadtjop ienep álleslasj dádjadusáv bájkálasj kultuvras, tjohkkájgiesseba.

**FORNØYDE STUDENTER.** Jan Folke Sandnes og Helga Eliassen her på ekskursjonstur til Musken var fornøyd med studiet. – Man får en mer helhetlig forståelse av den lokale kulturen, oppsummerer de to.



**Ávdđánbukte:** Dutke Bjørg Evjen ja Måske ávdep rektor Mikal Urheim ávdđánbuktija julevsáme kultuvrrav studentajda. Urheim sárnojj læstadianisma birra. **FORMIDLERE:** Forsker Bjørg Evjen og tidligere Musken rektor Mikal Urheim formidlet lulesamisk kultur til studentene. Urheim holdt foredrag om læstadianismen.